

20. maj 2014

UPA 2014/175  
Doris Jakobsen

**Apeqquteqaat aallaavigalugu teknologimut nutaamut misileraavimmik assersuutigalugu qillerinernut, avatangiisinik eqqarsaatiginninnermut uuliakoortoqarsimatillugulu salinernut atatillugu ilinniarfinnut, aatsitassarsiornermi ingerlatseqatgiiffinnut kattuffinnullu allanut ilisimatusarnermi, misileraanermi takussutissiornermilu neqeroorfiusartussamik pilersitsinissaq pillugu oqallisissiatut siunnersuut. (Inatsisartunut ilaasortaq Naaja H. Nathanielsen, Inuit Ataqtigiit)**

Inatsisartunut ilaasortaq, Inuit ataqtigiit apeqquteqaat aallaavigalugu teknologimut nutaamut misileraavimmik assersuutigalugu qillerinernut, avatangiisinik eqqarsaatiginninnermut uuliakoortoqarsimatillugulu salinernut atatillugu ilinniarfinnut, aatsitassarsiornermi ingerlatseqatgiiffinnut kattuffinnullu allanut ilisimatusarnermi, misileraanermi takussutissiornermilu neqeroorfiusartussamik pilersitsinissaq pillugu oqallisissiatut siunnersuuteqarpoq, taakkulu ilisimatusarnermut ingerlatsinermullu tunngasortaat nunanit allanit aningaasalersorneqarsinnaasut isumaqarpoq, taamaattoq pilersitsinermut aallarnisaa-nermullu aningaasartuutit Nunatta Karsianit matussuserneqartariaqartut isumaqarluni. Taamatut periuseqarneq ilaatigut Australiami atortuunerarneqarpoq.

Siunnersuuteqartoq taamatut saqqummiussinermi peqatimi isumassarsiap taamaattup soqutigintutut pivusorsiortutullu isigineraat paaserusuppaa.

Maannali apeqquteqaat aallaavigalugu oqallinnissamut siunnersuut aalajangiiffigisassatut siunnersuutaanngilaq, taamaammallu periarfissaq pillugu nalinginnaasumit pituttorsimanginnerusumik oqallinnissamik periarfissiilluni.

Taamaammallu siunnersuut pissanganarlunilu soqutigintartoq uagut Siumukkunniit oqaatigissavarput.

Apeqqulli pivusorsiortuunersoq isummersussagutta, taava tamanna allarluinnaavoq, tassanilu Siumut qularnerulluni inissisimavoq, matumanimi tamanna anguneqassappat pissutsit pivusut arlallit isummersorfigeqqaarneqartariaqarput.

Uagummi qinikkatut inissisimasugut immikkut ilisimasallit naliliinerinik toqqammaveqarluta isummersortariaqarpugut, taamaammallu oqallinnermi uani Siumup tapertaliussaa Naalakkersuisut akissuteqaataannik aallaaveqartorujussuussaaq.

Tassani ingerlatseqatigiiffiit uuliasiornermik qalluineruillu ingerlatsisut, teknologimik sapinngisamik pitsaanerpaamik atuinissaannik piunasaqarfigineqareerneruikkut ujaasineru qalluineruulu avatangiisinut isumannaallisaaneruullu tunngatillugu ilisimatusarnermik aallaaveqartumik uuliasiorfinnit nammineruk ingerlanneqartut, annertuutigut nuerneruikkut isertugaasarmata. Taamaammata ujartorneqartut atuutsinneqareersutut oqaatigisariaqarput, taamaammallu nunatsinni aningaasat killeqareeqisut atorlugit nunatsinni imaani qillerneruut atasunik teknologimik ilisimatusarneruut misileraaneruullu aningaasarpassuaruuk atuinissaq kaammattuutiginaruunngilaq, ingamuk piffissami matumani, nunatsinni imaani qillerneruuk ingerlatat annikitsuaraarsuuneranni. Taamattarlu tamakkuunnga akuusinnaanerput annikitsuaraasussaasutut isikkoqarpoq, massakkummi misileraaviuinnaasumut tunngatillugu suleqatigiissinnaasunik sulii maani ilisimatusarneruuk ingerlatsisoqanngilaq.

Taamaammata naggasiullugu naak isumassarsiaq pissanganaateqarsinnaagaluartoq, pivusorsiortumik nalilissagutsigu, isumassarsiaq massakkut pivusorsiortuunngitsutut oqaatigisariaqarparput.